



DEPUTACIÓN PROVINCIAL
A CORUÑA

Servizo de Desenvolvemento Territorial e Transición Ecolóxica

Referencia: PEL-EMPRENDE INVEST / 2026

Expediente convocatoria: 2025000034999

RESOLUCIÓN POLA QUE SE AVOCA A COMPETENCIA PARA A APROBACIÓN DAS BASES REGULADORAS E SE APROBAN AS BASES E A CONVOCATORIA DO PROGRAMA DE AXUDAS Á CONSOLIDACIÓN E AO FORTALECIMENTO DO TECIDO EMPRESARIAL NOS CONCELLOS DA PROVINCIA DA CORUÑA A TRAVÉS DO APOIO AO INVESTIMENTO EN BENS INVENTARIABLES (PEL-EMPRENDE INVEST / 2026)

Don **VALENTÍN GONZÁLEZ FORMOSO**, Presidente da Deputación Provincial da Coruña,

ANTECEDENTES

Por resolución número 29325, de 24 de xullo de 2023, o Presidente delegou na Xunta de Goberno entre outras: "A aprobación das bases de subvencións, cuxa competencia corresponda inicialmente ao presidente".

Tendo en conta a data da convocatoria da próxima Xunta de Goberno e considerando a urxencia de aprobar as Bases reguladoras do "Programa de axudas á consolidación e ao fortalecemento do tecido empresarial nos concellos da provincia da Coruña a través do apoio ao investimento en bens inventariables", e vistos os informes do Servizo de Desenvolvemento Territorial e Transición Ecolóxica, da Secretaría Xeral e do Servizo de Fiscalización e Control Financeiro,

RESOLVO:

Primeiro. Avocar a competencia que, con carácter xeral foi delegada por resolución número 29325, de 24 de xullo de 2023 na Xunta de Goberno, e considerando a urxencia da aprobación das Bases reguladoras do "Programa de axudas á consolidación e ao fortalecemento do tecido empresarial nos concellos da provincia da Coruña a través do apoio ao investimento en bens inventariables", que ven motivada pola necesidade de que as persoas destinatarias poidan facer as súas previsións respecto do obxecto da subvención neste programa para o exercicio 2026 coa suficiente antelación.

Segundo. Aprobar as Bases reguladoras do "Programa de axudas á consolidación e ao fortalecemento do tecido empresarial nos concellos da provincia da Coruña a través do apoio ao investimento en bens inventariables", que figuran no Anexo - Bases Reguladoras.

Terceiro. Dispoñer a publicación das bases deste programa no Boletín Oficial da Provincia da Coruña.

Cuarto. Aprobar a convocatoria do Programa de axudas á consolidación e ao fortalecemento do tecido empresarial nos concellos da provincia da Coruña a través do apoio ao investimento en bens inventariables, de conformidade coas bases reguladoras que figuran no Anexo - Bases Reguladoras.

O prazo de solicitude iniciárase ás 09:00 horas do día 15 de novembro de 2025, e finalizará ás 14:00 horas do día 16 de decembro de 2025, tendo en conta que, tanto as solicitudes como o resto da tramitación do programa, realizarase por vía telemática a través da plataforma SUBTEL, accesible dende a sede electrónica da Deputación Provincial da Coruña.

Quinto. Remitir esta resolución, así como o extracto da convocatoria conforme ao Anexo - Extracto da convocatoria, á Base de Datos Nacional de Subvencións (BDNS), para a súa publicación a través do Sistema Nacional de Publicidad de Subvenciones y Ayudas Públicas, de conformidade co previsto nos artigos 17.3.b e 20.8.a da Lei 38/2003, de 17 de novembro, xeral de subvencións, publicación que se tramitará como urgente.

Sexto. Dar conta desta resolución á Xunta de Goberno.

Contra a presente resolución, que pon fin á vía administrativa, pódese interpor, alternativamente, recurso de reposición potestativo, no prazo dun mes perante o mesmo órgano que ditou o acto, ou recurso contencioso-administrativo, perante o Xulgado do Contencioso Administrativo da Coruña no prazo de dous meses, a partir do día seguinte a aquel no que teña lugar a notificación. Se se optara por interpor o recurso de reposición potestativo non se poderá interpor recurso contencioso administrativo ata que aquel sexa resolto expresamente ou se produza a súa desestimación por silencio.

Todo isto, sen prexuízo de que se poida exercitar calquera outro recurso que se estime pertinente.

ANEXO - BASES REGULADORAS

BASES REGULADORAS, EN RÉXIME DE CONCORRENCIA, DO PROGRAMA DE SUBVENCÍONS Á CONSOLIDACIÓN E AO FORTALECEMENTO DO TECIDO EMPRESARIAL NOS CONCELLOS DA PROVINCIA DA CORUÑA A TRAVÉS DO APOIO AO INVESTIMENTO EN BENS INVENTARIABLES NO ANO 2026 (PEL-EMPRENDE INVEST/2026)

Datos **do** **programa**

Unidade xestora	Servizo de Desenvolvemento Territorial e Transición Ecolóxica
Sección	Desenvolvemento Territorial, Cooperación e Medio Ambiente
Anualidade	2026
Denominación	Liña 2.1. PEL Emprende Investimento: Programa de subvencións destinadas á consolidación e ao fortalecemento do tecido empresarial da provincia da Coruña a través do apoio ao investimento en bens inventariables no ano 2026
Persoas beneficiarias	Pequenas, medianas empresas, microempresas e persoas autónomas que desenvolvan unha actividade económica con ánimo de lucro, con domicilio fiscal e como mínimo un centro de traballo nun municipio da provincia da Coruña de menos de 10.000 habitantes
Programa	PEL-EMPRENDE INVEST/2026
Aplicación orzamentaria	0520/24100/771
Importe da convocatoria	2.760.000 € Este importe poderá ser obxecto de modificación orzamentaria
Importe do orzamento de gastos	Mínimo 3.500,00 € sen IVE Máximo 25.000,00 € sen IVE
Importe da subvención que se vai conceder	Mínimo 2.450,00 € Máximo 17.500,00 €
Importe solicitado	Ata o 70% do orzamento de gastos subvencionables
Coeficiente de financiamento	Como máximo 0,7
Gasto anticipado	Si, será de aplicación o establecido na Ordenanza xeral de subvencións e transferencias da Deputación da Coruña.

Exposición de motivos

O contido destas bases está enmarcado dentro do establecido no artigo 40 da Constitución Española, e nos obxectivos de crecemento e emprego da Unión Europea conforme á Estratexia Europea de Emprego, ao Plan de Acción do Piar Europeo de Dereitos Sociais, que establece os novos obxectivos no ámbito do emprego e o social a nivel da UE no horizonte temporal de 2030, e que marcan como directrices impulsar a demanda de man de obra e apoiar o investimento que redunde na creación de empregos de calidade, aproveitando tamén o potencial relacionado coa transición ecolóxica e dixital, e na Axenda 2030 para o Desenvolvemento Sostible promovendo o crecemento económico sostido e facilitando a adopción de medidas urxentes contra o cambio climático a través dos obxectivos de desenvolvemento sostible incluídos na Axenda.

Na súa elaboración tivéronse en conta os datos do Observatorio de Seguimento de indicadores de emprego da Estratexia Europa 2020/2030 de marzo de 2024, publicados pola Secretaría de Estado de Trabajo.

A Deputación da Coruña, a través do Plan de Emprego Local (PEL), continúa amosando o seu apoio ao tecido empresarial da provincia, co obxectivo de acadar uns maiores niveis de desenvolvemento económico, de calidade no emprego, de benestar social e de cohesión do territorio. Estas axudas tratan de adoptar medidas que promovan un modelo de desenvolvemento económico que favoreza a capacidade creativa e emprendedora da provincia e sostemento dos negocios, como fonte de riqueza e como elemento esencial para o crecemento, a mellora da competitividade e a modernización do tecido produtivo galego.

O Plan de Emprego Local constitúe unha estratexia integrada de cooperación para o desenvolvemento sostible da provincia que ten como principal obxectivo fixar poboación nos concellos da provincia máis rurais e contribuír a un crecemento sostible dos mesmos promovendo a creación de emprego estable e de calidade a nivel local e facilitando a empregabilidade das persoas en situación de desemprego, especialmente no ámbito rural.

Estas axudas enmárcanse na liña 2.1 PEL Emprende Investimento do Plan de Emprego Local da Deputación da Coruña para o período 2026. Con elas a Deputación da Coruña quere facilitar tanto a posta en marcha de novos proxectos empresariais innovadores, así como apoiar aos xa existentes, co fin de estimular e impulsar a recuperación do tecido empresarial nos concellos da provincia da Coruña de menos de 10.000 habitantes, fomentando o desenvolvemento equilibrado do territorio provincial e favorecendo a creación de emprego a través da creación de empresas por parte de novas persoas emprendedoras dentro do marco da Estratexia anual de Crecemento sostible da Unión Europea.

Coa finalidade de reforzar o apoio ás empresas da provincia nos sectores estratéxicos emerxentes, priorízanse nestas axudas PEL aquelas iniciativas empresariais con actividades económicas enmarcadas en determinados sectores correspondentes a estratexias estatais e europeas. Estes sectores están contemplados na Estratexia de Especialización Intelixente (RIS3), que define as prioridades e obxectivos aos que se enfoca o investimento de I+D+i en Galicia no período 2021-2027.

Tamén se tivo en conta á hora de determinar os sectores prioritarios aqueles encadrados nos obxectivos do Plan Estratéxico de Galicia 2022-2030, en concreto os referidos ao reto demográfico e a economía dos coidados, fomento dunha economía fundada no uso de

enerxías que procuren un menor impacto ambiental, fomento da economía circular e da eficiencia no ciclo da auga, favorecer o turismo sustentable, aumentar a rendibilidade e competitividade da industria agroalimentaria e consolidar unha cultura de crecemento a partir da innovación e a I+D.

Priorízanse nestas axudas a aquelas empresas situadas en municipios da provincia que teñen asinados convenios para a Transición Xusta, que garantan a persoas traballadoras e territorios afectados pola transición cara a unha economía máis ecolóxica, baixa en carbono, un tratamento equitativo e solidario, minimizando os impactos negativos sobre o emprego e o despoboamento destes territorios.

A administración do Estado, a través do Instituto para a Transición Xusta (ITX) apoia proxectos e novas liñas de axudas para impulsar o desenvolvemento económico nas zonas de As Pontes e Meirama. Neste caso a Deputación trata de favorecer tamén o desenvolvemento económico destas zonas outorgando unha maior valoración a empresas de municipios de Transición Xusta.

Ademais dos sectores recollidos nesta Axenda, existen outros que son un eixo fundamental na economía galega, como son os sectores do Comercio e Turismo. Dado o seu elevado peso na estrutura produtiva e no emprego, a economía galega é moi sensible á evolución do turismo e do comercio polo que a Deputación da Coruña trata tamén de favorecer a estes sectores nas súas axudas.

BASES

Base 1. Réxime xurídico

O marco normativo polo que se rexerán as subvencións concedidas pola Deputación é o establecido na Ordenanza xeral de subvencións e transferencias da Deputación da Coruña.

A presente subvención está incluída no plan estratéxico provincial de subvencións da Deputación 2025-2027 aprobado polo Pleno da Corporación en sesión ordinaria do 27 de setembro do 2024 e contribúe ao logro dos obxectivos incorporados no dito plan, en particular ao Obxectivo Estratéxico 3: "Impulsar o desenvolvemento económico e social da provincia coa implementación de políticas públicas que contribúan a xerar riqueza no territorio e contribúan a frear o despoboamento", e aos seus obxectivos operativos O.10 (fomentar o desenvolvemento de sectores estratéxicos, a competitividade e a xeración de emprego na provincia), O.11 (favorecer o mantemento e a recuperación demográfica do medio rural), O.12 (potenciar o desenvolvemento de infraestruturas económicas e produtivas que favorezan a xeración de iniciativas empresariais), O.14 (impulsar a creación de empresas e fomentar o emprendemento) e O.15 (apoiar ao tecido empresarial provincial), mediante o apoio a actuacións relacionadas coa compra de bens inventariables para a modernización dos negocios.

Base 2. Obxecto e finalidade

2.1 Obxecto e finalidade

O seu **obxecto** é regular as axudas para o ano 2026 da Liña 2.1. PEL Emprende Investimento a través do apoio ao investimento en bens inventariables.

A **finalidade** destas axudas é contribuír á consolidación e ao fortalecemento do tecido empresarial nos concellos da provincia da Coruña con poboación inferior a 10.000 habitantes a través do apoio ao investimento en bens inventariables de pequenas, medianas empresas, microempresas e persoas autónomas en calquera das modalidades xurídicas existentes.

2.2 Ámbito temporal

Os investimentos subvencionables serán aqueles realizados **entre o 1 de xaneiro e o 31 de decembro de 2026**. Polo tanto, unicamente admitiranse xustificantes de gastos expedidos dentro das datas sinaladas.

Excepcionalmente, para xustificar os gastos que fosen realizados no final do período da convocatoria, poderán admitirse xustificantes que sexan expedidos antes do 16 de xaneiro de 2027.

Os xustificantes de gasto terán que estar expedidos no período sinalado, aínda que os pagos poderán realizarse como data límite ata a presentación da xustificación da axuda.

Base 3. Solicitantes

Poderán solicitar estas axudas pequenas, medianas empresas, microempresas e persoas autónomas, promotoras de iniciativas empresariais que estean desenvolvendo unha actividade con ánimo de lucro e reúnan os seguintes requisitos:

- Ter o domicilio fiscal e, como mínimo, un centro de traballo* nun municipio da provincia da Coruña con poboación inferior a 10.000 habitantes, conforme aos datos máis recentes dispoñibles no Instituto Galego de Estatística, circunstancia que deberá constar no Certificado de situación censual da AEAT no momento de presentar a solicitude.
- Con anterioridade á data de publicación da convocatoria:
 - Estar dado/a de alta nalgunha actividade empresarial e que esta figure recollida no Certificado de Situación Censual da AEAT.
 - No caso de persoas autónomas, estar dado/a de alta no Réxime Especial de Traballadores Autónomos (RETA) ou noutro réxime especial por conta propia da Seguridade Social, ou como mutualista dun colexio profesional.
 - No caso de persoas xurídicas, estar inscritas no Rexistro Mercantil ou no rexistro público correspondente.

* Poderán acceder á subvención aquelas persoas solicitantes que non dispoñan de centro de traballo, sempre que conste no Certificado de Situación Censual que a actividade se desenvolve fóra dun local determinado ou non exista obriga legal de dispoñer de centro de traballo, e non se soliciten bens de instalación fixa.

Base 4. Gastos subvencionables

4.1 Gastos subvencionables

Terán a consideración de gastos subvencionables dentro desta liña, aqueles gastos que resulten estritamente necesarios para o desenvolvemento da/s actividade/s dada/s de alta no Certificado de situación censual tido en conta no acto de concesión e que se atopen dentro dos seguintes códigos de concepto de gasto:

Conta	Descrición da conta
206	Aplicacións informáticas Nesta conta considerárase exclusivamente o importe satisfeito pola propiedade ou polo dereito ao uso de programas informáticos adquiridos a terceiros.
213	Maquinaria Conxunto de máquinas ou bens de equipo mediante os cales se realiza a extracción, elaboración dos produtos ou prestación de servizos.
216	Mobiliario Mobiliario, material e equipos de oficina, coa excepción dos que deban figurar na conta 217.
217	Equipos para procesos de información Computadores e demais conxuntos electrónicos.

4.2 Consideracións respecto aos investimentos a solicitar

- Ha de tratarse de investimentos en elementos novos*, directamente relacionados coa actividade, non suntuarios e con prezos adaptados aos prezos do mercado, non cedidos a terceiros, con ou sen contraprestación e que non sexan fabricados pola empresa solicitante nin por unha terceira vinculada á mesma, nin por socios/as, administradores/as, nin membros da Xunta de Directiva, ou ex-socios, ex-administradores ou ex-membros da Xunta Directiva durante os 2 anos seguintes ao seu cesamento. Tampouco poderán ser utilizados para a venda ou calquera outro negocio xurídico.

*A efectos desta convocatoria, consideraranse como elementos novos aqueles que sexan utilizados ou postos en condicións de funcionamento por primeira vez e teñan unha data de fabricación inferior a cinco anos desde a súa adquisición.

- En caso de adquisición dos bens mediante fórmulas de financiamento que

condicionen a adquisición da propiedade do ben a un momento posterior (contratos de financiamento de bens con reserva de dominio, leasing, etc...), poderán subvencionarse sempre que os bens pasen a ser da propiedade plena da entidade beneficiaria antes da finalización do período subvencionable, isto é o 31/12/2026. O importe subvencionable corresponderase cos custos correspondentes á amortización do valor do ben na anualidade 2026 e ao valor residual que figure na factura xerada ao facer efectiva a opción de compra.

- En ningún caso subvencionarase cotas de intereses, alugueres, arrendamentos operativos nin impostos.
- Só se admitirán cinco facturas máximo por concepto de gasto subvencionado e os conceptos contables contidos nelas deben axustarse aos conceptos subvencionados ao amparo desta convocatoria.

Non obstante, as facturas que conteñan pagos recibidos con anterioridade á entrega do ben facturado, entenderanse como unha soa aos efectos desta limitación. Igual consideración terán aquelas facturas que forman parte dun mesmo pedido.

Non se admitirán facturas cuxo importe total sexa inferior a 100 euros.

Con carácter xeral, quedan **expresamente excluídas** en todos os conceptos contables as instalacións, os mantementos, portes, obras, reformas, reparacións, cubertas, carpas, alugueres, rotulacións, instalacións técnicas de climatización, iluminación ou telecomunicacións, páxinas web, hosting, dominios, mantementos das aplicacións informáticas, fundas de elementos subvencionables, protectores de pantalla, subscricións anuais, canons, elementos de transporte, material funxible, prendas textís, artigos de decoración, espellos, televisores, reloxos intelixentes, elementos de iluminación, aparellos de climatización, sistemas de seguridade, telefonía, teléfonos móbiles, routers e aspiradores de limpeza.

- Están excluídos aqueles investimentos correspondentes ao concepto contable 216_Mobiliario nos casos nos que o centro de traballo coincida cun inmovible cuxo uso principal sexa residencial segundo o Catastro inmobiliario.
- **No caso de ordenadores de escritorio, portátiles, all-in-one, ou similares** o importe máximo imputable **por cada un deles** será 2.000 euros sen IVE, incluídos os periféricos.

No caso de tablets, o importe máximo imputable por tablet será 500 euros máximo sen IVE, incluídos os periféricos.

O resto de equipos para procesos de información que se imputen con cargo á conta 217_Equipos para procesos de información, distintos de ordenadores e tablets, imputaranse polo seu prezo de adquisición.

- **No caso de aplicacións informáticas**, so serán subvencionables aquelas que acrediten o seu carácter permanente ou unha duración mínima de dous anos, aínda que so serán subvencionables os gastos correspondentes á anualidade 2026, quedando excluídas as cotas mensuais.

- **A compra de bicicletas** só será subvencionable cando teña solicitada a conta 213_Maquinaria e a actividade económica da persoa solicitante que figura no Certificado de Situación Censual estea vencellada co ocio, o turismo ou o deporte.
- **A compra de remolques**, só será subvencionable cando teña solicitada a conta 213_Maquinaria, e a actividade económica da persoa solicitante que figura no Certificado de Situación Censual sexa diferente á actividade de transporte.
- **A compra de cámaras de fotos, obxectivos, vídeos, drons e similares**, só será subvencionables cando teña solicitada a conta 213_Maquinaria e a actividade económica da persoa solicitante estea vencellada co sector audiovisual, a fotografía, a publicidade, actividades topográficas, actividades de edición de libros, e edición de periódicos e revistas.
- **Equipos de iluminación:** A exclusión destes elementos refírese á iluminación convencional ou doméstica nos centros de traballo, pero non a iluminación cinematográfica, nin a necesaria para determinados oficios que precisan de elementos de iluminación para realizar a prestación de servizos relacionada directamente coa súa actividade ou para os bens que interveñen no proceso de produción de bens ou servizos directamente relacionados coa actividade.
- **Equipos de climatización:** Como norma xeral, non se considerarán subvencionables os equipos de climatización destinados unicamente a mellorar o confort ou o benestar das persoas nos centros ou locais de traballo salvo no sector da hostalaría que si que se considerarán subvencionables as estufas portátiles. Tamén serán subvencionables os equipos de climatización que formen parte esencial de procesos produtivos, é dicir, aqueles que teñan unha intervención directa na produción de bens ou na prestación de servizos relacionados coa actividade económica da entidade.

4.3 Contía

As entidades poderán presentar un **orçamento mínimo de gasto* de 3.500,00 € e un máximo de 25.000,00 €**, do cal poderán solicitar, como máximo, o **70%**.

*No orzamento do gasto considerarase excluído o IVE no caso de que sexa susceptible de recuperación ou compensación pola entidade.

Base 5. Compatibilidades e exclusións

5.1 Compatibilidade con outras axudas.

Compatibilidade con outras axudas do PEL: As subvencións PEL son compatibles entre si.

Compatibilidade con outras axudas da Deputación: As axudas PEL serán incompatibles con calquera outra axuda concedida por esta Deputación para o mesmo obxecto no mesmo

ano.

Compatibilidade con outras axudas públicas ou privadas: Esta axuda será compatible con calquera outra axuda pública ou privada para financiar os mesmos conceptos.

Estas axudas, acollidas ao réxime de minimis, deberán cumprir as condicións e límites aplicables á actividade económica destino da axuda.

5.2. Exclusiones relativas ás persoas solicitantes.

Exclúense destas axudas:

- As agrupacións de persoas físicas ou xurídicas, as comunidades de bens ou calquera outro tipo de unidade económica ou patrimonio separado, carentes de personalidade xurídica propia.
- As asociacións, persoas autónomas colaboradoras, as corporacións de dereito público (Confrarías...), as congregacións relixiosas e as persoas autónomas societarias, entendendo como autónoma societaria, aquelas que están obrigadas á alta no sistema especial de traballadores por conta propia, segundo o recollido no artigo 305 do TRLXSS, letras b) c), d) e e)
- As persoas socias ou accionistas dunha sociedade non poderán solicitar unha subvención a título individual na mesma convocatoria se xa a presentaron como parte da sociedade e posúen un 25% ou máis do capital social ou dos fondos propios da mesma, e viceversa; tampouco poderán presentarse sociedades distintas nas que exista coincidencia do 25% ou máis no capital social ou nos fondos propios.
- As entidades definidas como Gran Empresa pola AEAT ou se algunha entidade considerada «única empresa» da solicitante tamén é definida como Gran Empresa pola AEAT.
- Considéranse «única empresa» dúas ou mais entidades nas que exista coincidencia nun 25% ou máis do capital social ou dos fondos propios da mesma ou cando unha persoa autónoma posúa un 25% ou máis do capital social ou dos fondos propios dunha ou mais entidades.
- As persoas traballadoras autónomas economicamente dependentes (TRADES) reguladas na Lei 20/2007 do Estatuto do Traballador Autónomo.
- No caso de solicitantes cunha actividade económica da agrupación 86 (Aluguer de bens inmobles) recollida no Certificado de situación censual, só poderá considerarse válida cando para o desenvolvemento desta actividade se dispoña, alomenos, dunha persoa empregada con contrato laboral a xornada completa.

Base 6. Forma e prazo da solicitude

Non se admitirá máis dunha solicitude por persoa ou entidade. Considérase que unha

mesma persoa presenta varias solicitudes, cando se trate do mesmo NIF e cando as persoas socias ou accionistas dunha sociedade solicitan unha subvención a título individual na mesma convocatoria se xa a presentaron como parte da sociedade e posúen un 25% ou máis do capital social ou dos fondos propios da mesma, e viceversa; tampouco poderán presentarse sociedades distintas nas que exista coincidencia do 25% ou máis no capital social ou nos fondos propios.

A forma de presentación da solicitude será a que se indica na Ordenanza xeral de subvencións e transferencias da Deputación Provincial da Coruña.

O prazo de presentación de solicitudes determinarase na convocatoria, que se publicará no BOP, por conduto da Base de Datos Nacional de Subvencións.

Os datos persoais facilitados serán tratados pola Deputación da Coruña, como responsable do tratamento, co fin de levar a cabo a tramitación administrativa dos programas de subvención. As persoas interesadas poden exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Máis información na [Política de Privacidade](#) da Deputación.

Base 7. Compromisos e obrigas

7.1 Compromisos e obrigas específicos

As persoas ou entidades beneficiarias da liña PEL Emprende Investimento, ademais dos compromisos sinalados na Ordenanza xeral de subvencións e transferencias da Deputación da Coruña, deberán cumprir cos seguintes compromisos e obrigas específicos:

- Destinar os bens subvencionados ao fin concreto para o cal foi concedida a subvención **por un período mínimo** de dous anos desde a adquisición do ben (data expedición factura).
- Os bens que son adquiridos a través desta liña de axudas, deben ser destinados á actividade da entidade subvencionada e **non utilizados por terceiras entidades non beneficiarias**, o contrario, sería constitutivo de **causa de perda do dereito da subvención** concedida, por infracción da finalidade da liña de subvencións.
- Dispoñer de todas as licencias, títulos habilitantes, comunicacións previas e/ou inscricións rexistrais que sexan preceptivas para o desenvolvemento das actividades que figuren dadas de alta no Certificado de Situación Censual.
- Comunicar a través da Plataforma de tramitación telemática SUBTeL calquera modificación que afecte á solicitude inicial realizada sen que en ningún caso implique cambio en ningún criterio valorable, aumento do investimento, nin dos conceptos de gasto concedido xa que estes considéranse vinculantes e non se poden modificar pois suporían un cambio de obxecto.

A Deputación poderá comprobar o efectivo cumprimento destas cláusulas a través da correspondente actuación de control financeiro.

7.2 Difusión do apoio da Deputación

A difusión do carácter público do financiamento do investimento realizado levarase a cabo das seguintes formas:

No centro de traballo

Colocación dun cartel a cor cun tamaño mínimo de 210 x 297 mm en posición horizontal en lugar visible para o público no espazo de traballo ou, en caso de carecer deste, nun lugar relacionado coa actividade empresarial co logotipo da Deputación da Coruña e o do Plan de Emprego Local.

Na páxina web

Debe figurar expresamente o logotipo da Deputación da Coruña e o do Plan de Emprego Local nun lugar preferente da páxina web da empresa, de existir esta.

Investimentos que actúen no exterior

No caso de dispoñer dun tamaño suficiente, a publicidade realizarase mediante a inclusión nos propios bens subvencionados do logotipo da Deputación da Coruña e o do Plan de Emprego Local.

O único logotipo válido é o que estará dispoñible na páxina web do Plan de Emprego Local (<https://emprego.dacoruna.gal/axudas>).

Esta publicidade permanecerá durante o período mínimo da obriga de destinar os bens aos fins concretos para os que foron concedidos (**mínimo de dous anos**).

Base 8. Valoración das solicitudes e procedemento de concesión

8.1 Criterios de valoración

A Unidade xestora recollerá a puntuación total de acordo cos seguintes criterios de valoración das solicitudes que cumpran os requisitos establecidos nas bases reguladoras.

Para a puntuación de cada solicitude atenderase a un **Check-List de valoración** dispoñible en Subtel que marcará cada persoa solicitante no momento de cubrir a solicitude.

A puntuación total das solicitudes obterase mediante a suma automática da puntuación dos criterios de valoración indicados a continuación.

CRITERIOS DE VALORACIÓN DA LIÑA PEL-EMPRENDE INVESTIMENTO			
	CRITERIOS DE VALORACIÓN	ASPECTOS A VALORAR	PUNTUACIÓN MÁXIMA (30 puntos)
	Poboación do municipio no que se	Menor ou igual a 2.000	10

CRITERIOS DE VALORACIÓN DA LIÑA PEL-EMPRENDE INVESTIMENTO			
	CRITERIOS DE VALORACIÓN	ASPECTOS A VALORAR	PUNTUACIÓN MÁXIMA (30 puntos)
1	atope o domicilio fiscal da empresa <i>Datos de poboación segundo os últimos datos dispoñibles no Instituto Galego de Estatística (IGE)</i> (Máximo 10 puntos)	habitantes	
		De 2.001 a 4.000 habitantes	9
		De 4.001 a 5.000 habitantes	8
		De 5.001 a 10.000 habitantes	7
2	Actividade económica da persoa solicitante Teranse en conta as actividades económicas que consten de alta no Certificado de situación censual da persoa solicitante <i>Datos referidos á data anterior á de publicación da convocatoria</i> (Máximo 3 puntos)	Solicitantes de sectores estratéxicos (Só aqueles indicados no Anexo III.Actividades valorables destas bases), con exclusión dos sectores agrícola, gandeiro, forestal e pesqueiro	3
		Solicitantes de sectores agrícola, gandeiro, forestal e sector pesqueiro (Só aqueles indicados no anexo III.Actividades valorables destas bases)	1
3	Solicitantes de municipios de Transición Xusta <i>Datos referidos ó momento de presentar a solicitude</i> (2 puntos)	Solicitantes con centro de traballo ou domicilio fiscal (só no caso de non dispor de centro de traballo) nun municipio con convenio de Transición Xusta. (Anexo IV)	2
4	Tipo de solicitante <i>Datos referidos á data anterior á de publicación da convocatoria</i> (5 puntos)	Persoas autónomas	5
		Cooperativas	
		Sociedades laborais	
5	Non ter sido beneficiario/a na convocatoria PEL Emprende	Se a persoa solicitante non foi beneficiaria desta axuda na convocatoria PEL Emprende	4

CRITERIOS DE VALORACIÓN DA LIÑA PEL-EMPRENDE INVESTIMENTO			
	CRITERIOS DE VALORACIÓN	ASPECTOS A VALORAR	PUNTUACIÓN MÁXIMA (30 puntos)
	Investimento 2025 (*) (4 puntos)	Investimento 2025.	
6	Non ter sido beneficiario/a en ningunha convocatoria de PEL Emprende Investimento (**) (6 puntos)	Se a persoa solicitante non foi beneficiaria desta axuda en ningunha convocatoria de PEL Emprende Investimento	6

(*) **Non obterá puntuación neste apartado 5** a entidade ou «única empresa» que teñan sido beneficiaria por Resolución de Concesión na convocatoria PEL-Emprende Investimento 2025

(**) **Non obterá puntuación neste apartado 6** a entidade ou «única empresa» que teñan sido beneficiaria por Resolución de concesión nalgunha convocatoria anterior de Pel-Emprende Investimento.

8.2 Procedemento de concesión

O procedemento de concesión destas subvencións tramítase mediante o réxime de concorrencia competitiva, e o tipo de concesión destas axudas será o de **concesión definitiva**, segundo o regulado nas bases xerais destas axudas.

Base 9. Xustificación e pago.

9.1 Xustificación da subvención

A persoa beneficiaria da axuda deberá xustificar a través da plataforma telemática SUBTeL (no apartado Xustificación da súa solicitude) os gastos relativos aos investimentos subvencionables realizados na anualidade 2026 achegando a documentación relativa á xustificación recollida no Anexo II. Documentación da xustificación.

9.2 Prazo de xustificación

A xustificación poderá presentarse a partir do día seguinte á publicación da resolución de concesión definitiva das subvencións no BOP.

A persoa beneficiaria da axuda non deberá achegar a documentación xustificativa ata que complete os investimentos para os que solicitou a axuda e dispoña da documentación acreditativa relativa aos mesmos.

O prazo de xustificación da axuda PEL-Emprende Investimento rematará o día 31 de xaneiro de 2027.

Base 10. Incumprimentos e sancións

Será de aplicación o disposto no capítulo VI da Ordenanza xeral de subvencións e transferencias da Deputación da Coruña.

ANEXOS DOCUMENTACIÓN

ANEXO I. Documentación da solicitude

Declaracións:

- Declaro que cumpro todos os requisitos esixidos ás persoas solicitantes na lexislación vixente en materia de subvencións, nas bases reguladoras da presente convocatoria, na Ordenanza xeral de subvencións e transferencias da Deputación Provincial da Coruña e no caso de resultar beneficiario/a da subvención comprométome a cumprir fielmente todos os compromisos e obrigas recollidos nas mesmas e a acreditar de forma fidedigna o seu cumprimento no caso de ser requirido pola Deputación.
- Declaro que dispoño de todas as licencias, títulos habilitantes, comunicacións previas e/ou inscricións rexistradas que sexan preceptivas para o desenvolvemento das actividades que figuren dadas de alta no Certificado de Situación Censual.
- Comprométome a solicitar tres orzamentos de distintos provedores, no caso de que contrate cun mesmo provedor un gasto superior a 15.000 € (IVE excluído), e de que seleccionarei un deles de xeito motivado, nos termos do artigo 31.3 da Lei 38/2003, do 17 de novembro, xeral de subvencións.

Documentación:

- Certificacións das administracións tributarias correspondentes e da Tesourería da Seguridade Social nas que se acredite que a persoa solicitante está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que autorice expresamente na Plataforma SUBTEL ás consultas tributarias e non se opoña á consulta de datos da Seguridade Social.

- Certificado de Situación Censual da Axencia Estatal Tributaria actualizado.
- Certificado de situación no censo de actividades económicas da AEAT actualizado.
- No caso de **PERSOAS FÍSICAS**, Certificado de Vida laboral da persoa autónoma ou certificado da mutualidade correspondente onde conste a data de alta no RETA, ou alta na mutualidade, actualizados.
- No caso de **PERSOAS XURÍDICAS**, escritura de constitución da entidade e as súas modificacións ou variacións posteriores (se as houberse), ou calquera outro documento análogo no que figuren os estatutos, estipulacións ou contratos privados, así como a inscrición no rexistro público correspondente (no caso de estar obrigados), a excepción das sociedades civís nas que se determinará atendendo á data que conste no documento de constitución das mesmas.
- **Memoria resumen dos investimentos a realizar** (Modelo dispoñible en SUBTeL)
- **Autorización de representación** para a presentación da solicitude no caso de non coincidir coa persoa solicitante (para as persoas físicas) ou co representante legal da entidade (para as persoas xurídicas). (Modelo dispoñible en SUBTeL)
- **Para asinar a documentación e a presentación da solicitude no caso das persoas xurídicas** considerárase como representante legal autorizado a persoa que figure no Certificado de Situación Censual da Axencia Estatal da Administración Tributaria (AEAT).
- **Anexo Axudas públicas baixo o Réxime de mínimos solicitadas e/ou recibidas nos 3 últimos anos** (Modelo dispoñible en SUBTeL)

A persoa solicitante deberá presentar a documentación esixida segundo os modelos que figuran na plataforma SUBTeL.

ANEXO II. Documentación da xustificación

Declaracións:

- No caso en que os gastos xustificadas adecuadamente non acaden o importe mínimo a xustificar, ou no caso en que a achega provincial, xunto cos outros ingresos percibidos para o mesmo obxecto, supere aos gastos executados: RENUNCIO á parte da achega provincial non xustificada.
- No caso en que a xustificación se presente fóra de prazo: ACEPTO a sanción que corresponde e consinto en efectuar voluntariamente o pagamento desta mediante compensación no pago da subvención, e non presentará alegacións nin recurso algún ao respecto (Esta declaración suporá unha REDUCCIÓN DO IMPORTE DA SANCIÓN DUN 90%).
- Declaro que os bens subvencionados son destinados á actividade da entidade subvencionada e non son utilizados por terceiras entidades.

- Declaro o compromiso de destinar os bens subvencionados ao fin concreto para o cal foi concedida a subvención por un período mínimo de dous anos desde a adquisición do ben.
- Declaro o compromiso da miña entidade de comunicar a través da Plataforma de tramitación telemática SUBTeL calquera modificación que afecte á solicitude inicial realizada sen que en ningún caso implique cambio en ningún criterio valorable, aumento do investimento, nin dos conceptos de gasto concedido xa que estes considéranse vinculantes e non se poden modificar pois suporían un cambio de obxecto.

Documentación:

- Certificacións das administracións tributarias correspondentes e da Tesourería da Seguridade Social nas que se acredite que a entidade está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que autorice expresamente na Plataforma SUBTEL a consultas tributarias e non se opoña á consulta de datos da Seguridade Social.
- **Memoria xustificativa** (Modelo dispoñible en SUBTEL).
- A **relación clasificada dos gastos** realizados cubrirase na plataforma telemática Subtel e nela deberán achegar as **facturas** correspondentes aos gastos efectivamente realizados que conteñan os investimentos realizados de forma **detallada, comprensible**, e con prezos unitarios.
- Certificación de gastos realizados que se xerará automaticamente unha vez cumprimentada a relación clasificada dos gastos realizados.
- **Xustificantes bancarios** acreditativos **do pago** de cada unha das facturas.
- Relación dos ingresos de natureza pública ou privada obtidos para a mesma finalidade, con indicación do seu importe e procedencia ou, pola contra, manifestación de que non se obtiveron outros ingresos para a mesma finalidade (Modelo dispoñible en SUBTEL).
- No caso de percibir axudas públicas en réxime de minimis non indicadas previamente na solicitude (Anexo das Axudas públicas baixo o Réxime de minimis solicitadas e/ou recibidas nos 3 últimos anos) deberá achegarse certificación/declaración de axudas de minimis
- Polo menos **tres ofertas de distintas empresas proveedoras** no caso de que o gasto a un mesmo proveedor sexa superior a 15.000 € (IVE excluído), nos termos do **artigo 31.3 da Ley 38/2003, de 17 de novembro, xeral de subvencións**.
- **Declaración** na que indique si está ou non exenta do IVE e se está suxeita á regra de rateo a porcentaxe deducible, xa que só poderase terse en conta o cargo co dito imposto cando sexa soportado pola entidade e na porcentaxe que non fora deducible

(Modelo dispoñible en SUBTEL).

- Documentación gráfica da difusión do carácter público do financiamento realizada segundo o indicado na base 7.2..
- **Fotografías** dos bens adquiridos e, no caso de aplicacións informáticas, informe gráfico da súa implantación e funcionamento.

Documentación adicional no caso de que non se estea de alta na base de datos de terceiros da Deputación provincial da Coruña ou teña intención de asignar unha nova conta bancaria:

- **Modelo de designación de conta bancaria** para incluír no Rexistro de terceiros para os efectos de domiciliación dos pagos na Deputación da Coruña.
- **Certificado acreditativo da titularidade da conta** emitido e asinado electronicamente pola entidade bancaria correspondente.

ANEXO III. Actividades económicas valorables

Actividades económicas a valorar segundo a base 8 dos criterios de valoración: Actividade económica do/a solicitante (aqueles/as persoas solicitantes que non teñan de alta estas actividades non recibirán puntuación neste criterio de valoración)				
SECTOR	ACTIVIDADE	SECCIÓN	DIVISIÓN	GRUPO EPÍGRAFE
SECTORES AGRÍCOLAS, GANDEIROS, FORESTAS E SECTOR PESQUEIRO	EMPRESARIAL	1	0	011 a 071
	PROFESIONAL	2	0	012, 013, 021, 022, 024 e 099
	*Estarán tamén incluídos aqueles solicitantes nos que conforme ao artigo 78.2 do RD Lexislativo 2/2004, de 5 de marzo , polo que se aproba o texto refundido da Lei Reguladora de Facendas Locais, non teñen a consideración de actividades empresariais aos efectos do IAE e non quedan suxeitos o feito imponible de este imposto, pertencentes aos seguintes Código/Actividade: B01 Agrícola; B02 Gandeira; B03 Forestal; B04 Producción de mexillón en batea; B05 Pesqueira			
CONSTRUCCIÓN DE	EMPRESARIAL	1	3	361 a 363

Actividades económicas a valorar segundo a base 8 dos criterios de valoración: Actividade económica do/a solicitante (aqueles/as persoas solicitantes que non teñan de alta estas actividades non recibirán puntuación neste criterio de valoración)				
VEHÍCULOS E TRANSICIÓN A UNHA MOBILIDADE SOSTIBLE				383.1 a 383.5 389.1 a 389.9
INDUSTRIA DA MADEIRA	EMPRESARIAL	1	4	461 a 468 473
OUTRAS PRODUCIÓNS DE ENERXÍA	EMPRESARIAL	1	1	151.4
CONSTRUCCIÓN NAVAL, REPARACIÓN E MANTEMENTO DE BUQUES	EMPRESARIAL	1	3	371 e 372
	PROFESIONAL	2	2	212 e 228
INDUSTRIA AERONÁUTICA	EMPRESARIAL	1	3	382 391.2
	PROFESIONAL	2	2	211, 221 e 299
INDUSTRIAS DA PEDRA NATURAL	EMPRESARIAL	1	2	231.2 244.2 a 244.3 245
CONSTRUCCIÓN DE MAQUINARIA	EMPRESARIAL	1	3	321 393 324.1 329.1
	PROFESIONAL	2	2	311 e 321
ARTES GRÁFICAS E EDICIÓN	EMPRESARIAL	1	4	431.1 a 455.9 474.1 a 476.9
	PROFESIONAL	2	3	322
INDUSTRIA AUDIOVISUAL	EMPRESARIAL	1	3, 4, 9	393 (unicamente referido a material fotográfico e

Actividades económicas a valorar segundo a base 8 dos criterios de valoración: Actividade económica do/a solicitante (aqueles/as persoas solicitantes que non teñan de alta estas actividades non recibirán puntuación neste criterio de valoración)				
				cinematográfico); 493; 961 a 963 973.1 (servizos fotográficos)
TRANSPORTE	EMPRESARIAL	1	7	722
INDUSTRIA DE PRODUTOS ALIMENTICIOS E BEBIDAS	EMPRESARIAL	1	4	411 a 428
COMERCIO	EMPRESARIAL	1	6	611 a 645 (con exclusión do epígrafe 631) 647 a 665 (con exclusión do epígrafe 652.1)
TELECOMUNICACIÓNS E ACTIVIDADES INFORMÁTICAS	EMPRESARIAL	1	8	843.1 a 843.9 (só servizos informáticos)
	PROFESIONAL	2	2	213, 222 e 225
			7	762 a 765
INDUSTRIA DOS COIDADOS	EMPRESARIAL	1	9	951 e 952 931.1
TURISMO	EMPRESARIAL	1	6	681 a 687 855.2 e 855.3
	PROFESIONAL	2	5 e 8	521; 882 e 883
INVESTIGACIÓN	EMPRESARIAL	1	9	936.1 a 936.9 991

Actividades económicas a valorar segundo a base 8 dos criterios de valoración: Actividade económica do/a solicitante (aqueles/as persoas solicitantes que non teñan de alta estas actividades non recibirán puntuación neste criterio de valoración)				
INDUSTRIAS CREATIVAS	PROFESIONAL	2	7 e 8	751 861 e 862
INDUSTRIA TÉXTIL	EMPRESARIAL	1	4	431 a 455
ARTESANÍA E OUTRAS ACTIVIDADES VENCELLADAS (*)	EMPRESARIAL	1	2, 9	246.2, 246.5 e 246.6 247.2 e 247.4 253.6 255.1 a 255.3 316.2 e 316.4 399.1, 399.3, 399.8 e 399.9 491 e 492 494 e 495 971.2 e 971.3
	PROFESIONAL	2	8	861 e 862

(*) Só se entenderan como artesanais aquelas actividades que reúnan os requisitos previstos na normativa reguladora e que contén coa certificación acreditativa.

Esta táboa de actividades foi elaborada tomando como referencia as actividades económicas recollidas como sectores prioritarios na **Estratexia de especialización intelixente (RIS3)**, pero adaptando as actividades a aquelas máis importantes na provincia da Coruña.

As persoas solicitantes que teñan de alta epígrafes do IAE non comprendidos na táboa anterior e realicen actividades económicas da mesma natureza que as sinaladas nestes epígrafes, poderán acreditarlo documentalmentemente mediante as escrituras de constitución, no caso de persoas xurídicas, ou o certificado de vida laboral, no caso de persoas físicas, cando haxa coincidencia entre o obxecto social ou código CNAE que consten en ditos documentos.

ANEXO IV. Municipios con convenios de Transición Xusta con poboación inferior a 10.000 habitantes (municipios a valorar segundo o criterio 3 da base 8)

MUNICIPIOS DE TRANSICIÓN XUSTA	
CONVENIO	MUNICIPIO
As Pontes	Cabanas

	A Capela
	Cerdido
	Mañón
	Moeche
	Monfero
	Ortigueira
	As Pontes
	San Sadurniño
	As Somozas
Meirama	Carral
	Cerceda
	Tordoia

ANEXO - EXTRACTO DA CONVOCATORIA

GALEGO

Primeiro. Beneficiarios

Pequenas, medianas empresas, microempresas e persoas autónomas que desenvolvan unha actividade económica con ánimo de lucro, con domicilio fiscal e como mínimo un centro de traballo nun municipio da provincia da Coruña de menos de 10.000 habitantes

Segundo. Obxecto

O seu obxecto é regular as axudas para o ano 2026 da Liña 2.1. PEL Emprende Investimento a través do apoio ao investimento en bens inventariables.

Terceiro. Bases reguladoras

A presente convocatoria rexerá polas Bases reguladoras publicadas no BOP.

Cuarto. Contía

2.760.000,00 €

Quinto. Prazo de presentación de solicitudes

O prazo de solicitude iniciárase ás 09:00 horas do día 15 de novembro de 2025, e finalizará ás 14:00 horas do día 16 de decembro de 2025, tendo en conta que, tanto as solicitudes coma o resto da tramitación do programa, realizarase por vía telemática a través da plataforma SUBTEL, accesible dende a sede electrónica da Deputación Provincial da Coruña.

Sexto. Outros datos de interese

O prazo de presentación de solicitudes será do 15/11/2025, ás 09:00 horas ata o 16/12/2025, ás 14:00 horas.

CASTELLANO

Primero. Beneficiarios

Pequeñas, medianas empresas, microempresas y personas autónomas que desarrollen una actividad económica con ánimo de lucro, con domicilio fiscal y como mínimo un centro de trabajo en un municipio de la provincia de A Coruña de menos de 10.000 habitantes

Segundo. Objeto

Su objeto es regular las ayudas para el año 2025 de la Liña 2.1. PEL Emprende Inversión a través del apoyo a la inversión en bienes inventariables.

Tercero. Bases reguladoras

La presente convocatoria se regirá por las Bases reguladoras publicadas en el BOP.

Cuarto. Cuantía

2.760.000,00 €

Quinto. Plazo de presentación de solicitudes

El plazo de solicitud se iniciará a las 09:00 horas del día 15 de noviembre de 2025, y finalizará a las 14:00 horas del día 16 de diciembre de 2025, toda vez que, tanto las solicitudes como el resto de la tramitación del programa, se realizará por vía telemática a través de la plataforma SUBTEL, accesible desde la sede electrónica de la Diputación provincial de A Coruña.

Sexto. Otros datos de interés

El plazo de presentación de solicitudes será del 15/11/2025, a las 09:00 horas hasta el 16/12/2025, a las 14:00 horas.